

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

25041-44

原件状况

原件有部分破损

原件个别地方有污迹

原件个别地方虫蛀

[雍正]定襄縣志八卷首一卷

(清)王時炯撰 王會隆增修

清康熙五十一年刻本


四冊

部书共摄制 1 卷 卷一至卷八首一卷

版权所有 不准复印

# 本部书开始

本片卷含： 卷一至卷八 首一卷



續 董 年 五 正 雍

登件番號  
No. 2261

定 寶 鼎 集



(25041)

# 重續定襄縣志

重續定襄縣志叙

邑之有志所以攷往俟來撫虛証實  
著旌別昭勸懲勵人心而振風俗哉  
於是乎在志之爲義甚重哉襄邑  
無志有之自邑人處士劉紹先始  
其義多滲漏且無定裁垂數十年有



無極安公起而纂輯之視舊志爲加  
詳而梗概乃定焉迨萬曆四十年豫  
章王公重爲整修殘缺者補遺失者  
序總核舊志益以新裁遂儼然爲一  
邑成書後越九十餘載至康熙五十  
一年珠崖王公復續而潤色之去贗

存真芟繁潤藻祖述麟經而神明其  
意其義嚴其詞贍其事周詳而明備  
稽地理則山川形勢瞭如指掌也考  
建置則縣治規模燦若列眉也論田  
賦則土地之肥瘠戶口之登耗炳若  
日星也而且壇壝祀典之嚴明官師

人物之紀載灾祥藝文之畢錄煌煌  
乎雲漢爲章誠一邑之鉅觀矣哉然  
越今又十六載餘矣其間天時人事  
之變遷沿革損益之遞嬗所爲昔未  
有而今爲創昔已故而今復新者每  
月異而歲不同焉倘及今勿紀延之

旣以文獻凋零後有作者勢必名存  
失實信疑參半未免有决裂紕謬之  
患余以冀北庸流承乏襄宰每披閱  
往牒盱衡時事不禁切續貂之志顧  
其事或有欽遵

上諭而爲



皇仁所由推者或有奉自

憲裁而爲

功令所宜守者或則有裨於國計民生之大或則有關於倫常風化之原或則氣運之隆特有邁於往古或則人情之變宜昭戒於來茲何者宜捐

俸以倡修何者宜設法以補救諸凡事類不一而足四載以來夙興夜寐既謀於同復斷於獨固不敢好大喜功於事之可以仍舊者過爲紛更亦不敢怠惰偷安使事之宜整於今者姑爲因循謹於簿書之暇與邑之紳

士叅互考訂續著爲書其要總歸於  
勵人心振風俗以期與安王諸君子  
前後相印則庶可無愧厥心並可告  
無罪於襄民矣是爲叙昔

雍正五年歲次丁未孟夏朔日

勅封文林郎知定襄縣事益津王會隆

盛斯氏題於公署



定襄縣舊志叙

夫志寓治理也治理者何宜土俗也恤民瘼也紀興  
華也明祭統也昭成憲也樹芳軌也考文物也匪志  
莫寓志可缺焉不講乎曩子奉命來治定襄襄舊無  
志嘉靖末邑人劉紹先採集故實第專而弗通繁而  
弗理且缺而弗備質之治理焉未也越今歲己卯政  
暇乃造里大夫張君及傅劉二春元問焉曰孔子謂  
杞宋不足徵也文獻不足故也文不足獻任之子家



食時嘗纂予極志以備缺典今襄志之缺三君子謂  
何僉曰二百年餘曠典也幸斯文主張敢不贊成遂  
綜核古今延訪物議考訂謬誤補綴漏遺定為七卷  
曰地里曰賦役曰建置曰秩祀曰官業曰人物曰藝  
林事按舊編義裁新例去取精於決擇是非協之輿  
論公而通秩而理詳而備蓋範今垂後勿疑也合而  
觀之辨川谷之勢則土俗可宜酌盈縮之數則民瘼  
可恤考創建之原則興革有據達祈報之義則祭統  
可明遵憲以迪哲則循良媲美繼軌以思齊則俊髦  
彙征以至徵文以稽蹟陳詩以觀風將金石之遺日  
月輝煌倡和之節民物熙恬矣一展卷間而治理之  
效如指諸掌其有裨茲邑豈淺鮮哉既脫藁捐俸付  
梓人三閱月而告完事予慶其成也謹述其意于首  
簡以告襄人且以告夫繼令者云昔  
萬 已卯知定襄縣事無極安嘉士撰

重修定襄縣志叙

襄之有志也自己卯無極安公始徵之矣先是世廟  
末逸士劉紹先掇拾郡乘之舊益以所聞見次第其  
事藏之且久而未有定裁安公取而潤色之而一邑  
之志乃成志地理則無恤之雄圖可馮而吊也志賦  
役則瘠土之窶氓可撫而有也志建置則規制之大  
畧可拓而飾也志秩祀志宦業則事神治人之義可  
縷而指也志人物志藝文則徵文攷獻之故可學而



識也混沌之習剖為文明襄之山川神靈咸嘉賴之固一時甚盛舉也第簡衷弗清謐繕且惡而諸所紀載亦多畧而弗賅存而弗核如晉太傅劉殷誤為襄人猶曰忻襄舊相屬也乃漢冠軍侯霍去病博陸侯霍光反遺而未錄山川無恙亦率有存亡它可知耳豈事難於創始作者不任誤遺而義無取於襲訛述者何妨洗刷矧時閱數十載之久中間新故之相推損益之相乘沿革之殊勢質文之互變日異而月不同又非復疇曩之梗概矣嘗試為之卒業不覺有揮毫吊古之想爰自奉璽書臨蒞以來日諮訪鄉紳故老聞得於所聞輒記諸頴楮思一旦更而為之猶存乎見少也頃者再從玉帛之會而還計瓜期將及非稍一折衷而更鑄之前念終成虛矣始聚二三文學共相揚扞裊輯而授余余不厭紬繹為之去瑕葺敝加以新裁增所未有或謀於同或斷於獨筆削其文詞庚置其卷帙益以災祥志備修穰者之採擇三閱

月而告竣雖於舊章多所決裂然釐正增損總歸於  
斥質存真以無謬於是非之實而止則安公之意且  
得余始暢紀宋之歎可無作矣付之剞劂氏以俟將  
來斯亦一方文獻得失之林也乃余則尤有深計焉  
今夫家督總一家則自內及外垣屋蓄畜以逮窖廩  
孳畜亞旅奴僕之屬靡不時時料理息息補救稍未  
就緒汲汲焉忘日夜廢寢食而圖之猶慮瘠耗偶偏  
失其故也所云不愧家兒者類若此况提有四封之

內者乎又况瘠疲如襄而可不時為之致念乎蓋嘗  
歷覽疆域周察風土而知其地非有沃衍之澤也其  
民非有蓋藏之富也其俗又非有敦龐不變之風也  
故得其治則歡欣鼓舞人有樂生之心不得其治而  
疾首蹙額轉徙立至矣守土者奈何不念及此也念  
之此其時矣此建置田賦余毅然與之更始每篇之  
中三致意焉皇天后土實式臨之即起安公印可於  
一堂不知幾為躊躇幾為太息而余能一日忘事

乎哉後之君子以愛一家之心愛此一方民要於厚下無務必同期在便國不嫌因應天子前席而問蒼生執此臚列敵之豈惟襄之洞察庶幾有瘳將文治之隆永底無斁斯志之作又奚翅僅僅傳信已也余且藉手為襄人歌樂利於無窮耳

萬 丙辰知定襄縣事豫章王立愛譔

續修定襄縣志叙

方今

聖天子在上車書一統薄海內外十五省廣袤幅員無遠弗屆其間若郡若州若縣綦布星羅莫不有山川形勝官師人物之志流鴻彩於盛明揭懿徽於封域蓋省郡州邑之有志猶國之有史也史氏代有專家援引幽邃程量謹嚴苟泮祖述麟經而變通其義不足以及鳴於天下後世故史遷作史記尚黃老而齊孔



墨蓋負賤而羨富貴識者譏之司馬光資治通鑑允  
稱良史然義利稍偏有紫陽綱目而始正史學之難  
固如是乎况晉乘與魯春秋同出一時六卿三晉之  
事編次臚列悉載在國定襄雖三晉之一彈丸黑子  
典籍依然老成猶在純志所不能備者分著郡志郡  
志所未盡次者獨詳縣志志豈易言哉襄舊志無傳  
傳於邑逸士劉紹先捃拾滲漏垂數十年無極安公  
緣而纂緝之又數十年豫章王公芟蕪潤藻遂成一  
邑之書亦云偉矣顧自明萬 丙辰迄今九十有七  
年時移代嬗迭經變遷而志仍舊文慮無以備觀覽  
昭勸戒時炯以海表書生承乏襄宰披閱往牒流連  
者久之不禁喟然歎曰釋今勿徵後將失實舉凡風  
俗之 淫人才之枯苑戶口之登耗賦稅之盈虛文  
獻凋零信疑參半即遠致他書近諮街談巷語而十  
得六七未免決裂紕繆每從簿書餘暇籌躇再四圖  
有以續之而日坐風塵鞅掌中勞勞俗吏有志未遑

恭值

今上御極之五十一年蠲賑頻施湛恩汪濊熙熙然皞皞然擊壤歌衢共樂堯天舜日守茲土者敢不黼黻太平珥筆以備輜軒之采乎爰進邑之紳士耆宿旁按舊乘徧討遺編凡稗官野史斷碣荒碑咸蒐羅折衷以求歸於確當兼得邑明經牛翰垣手鈔志彙叅互印證三閱月而續志以成按舊志裏次八卷今悉因之如輿圖星野前帙已備畧加釐訂而田賦異其則戶口殊其數邑有壇壝則經界宜清也試有利額則選舉宜詳也學校以崇教化城垣以固封守忠孝節烈與日月而爭光詞賦詩歌紀休明而罔替他如祭器兵防屯田水利一切祥瑞災稷風尚物產之屬歲久舛訛又安可任其湮沒荒墜乎惟當新舊志絕續之交使徒挾繁氣生才臆決而影附則洗滌自恣易掠浮響之詞所幸紳士耆宿皆考究根極之儒錯錯然元本不已裁浮闊謬存信闕疑而予才識踈庸



學殖荒落亦復漫試校讎芟削雷同摒擋窠臼雖不  
敢謂無一挂漏而孜孜矻矻網舉目張若與曩時安  
王二公後先相符異代同心焉嗟嗟士人策名清時  
罕所樹立甚者舉平生所誦習而弁髦之服古入官  
之謂何時炯夙承家君庭訓此來萬里孤踪兢兢以  
清白自矢六載拮据日惟覆餗素餐是懼尚能稟經  
酌雅援古訂今揆是非之正協褒貶之宜以爲邑乘  
光乎然襄固梓冀故地歷傳爲秀容爲晉昌因革隨  
時而叢蒙峙其南滹沱環其北西拱藍傘東枕牛臺  
襟山帶河儼然金湯之勢且才人傑士接踵比肩載  
在史冊班班可考繼此者豈英剋秀以待薪樵之用  
方諸古人何多讓耶獨其地逼雁雲俗雖儉民之蓋  
藏絕少良用慨然昔朱子詩註云晉地土瘠民貧勤  
儉質樸猶有陶唐氏之遺風自在後之賢有司節而  
愛之以上報我 國家久道化成之效下庇此邦人  
飲和食德之長顏名思義子敢避續貂之誚乎哉嘗

康熙壬辰知定襄縣事珠崖王時炯撰

定襄縣志目錄

凡例 十四條

圖 六

第一卷地理志

沿革

星野

疆域

形勝

山川

都里

烽堠

水利

墳墓

古蹟

集場

風俗

第二卷建置志

城池

縣治

學校

公署

枋檟

舖舍

橋梁

兵防

茶房

第三卷田賦志

戶口

地糧

徭役

里甲

郵傳

課鈔

匠役

屯田

物產

第四卷秩祀志

壇壝

寺觀

祠廟

第五卷官師志

守臣

知縣

縣丞

主簿

典史

教諭

訓導

巡檢

倉大使

訓術

訓科

僧會

道會

部使

名宦

第六卷人物志

薦辟

鄉舉

進士

鄉貢

應例

掾屬

武功

武舉人

武進士

世襲

封贈

恩廩

鄉賢

孝義

節烈

隱逸

流寓

僊釋

賓耆

老農



第七卷灾祥志

災異 祥瑞

第八卷藝文志

碑文 墓祭文 詩詞

目錄終

重修定襄縣志凡例

一舊志創始於無極安公掇拾郡乘之遺手披成帙後豫章王公銳志重修彙為八卷視舊志加詳云然自萬 丙辰以迄今茲將近百年其間睹記闕畧非遠稽近攷後雖有好學嗜古之士其湮沒者多矣余不揣仍訂八卷體裁義例悉遵舊志而舛鄙空踈不足備史氏之一嚮也

一志例首列疆域山川重形勢也如古蹟坵墓不

過附載以備觀覽若都里若河渠所關甚鉅分  
沃瘠而定額察原委以錯規與民請命不憚再  
三或不無小補云

一修繕城池敢云善政然未雨綢繆士民永賴富  
輸財而貧効力踴躍爭先亦千載一時也故於  
舊志為較詳

一戶口田賦為 國家重務寧詳毋畧蓋襄邑僻  
處山陬粟麥而外所產無幾編審詳核民力寬

舒庶動牧人之撫恤乎

一學校所以正人倫祀典祭儀皆不可闕廼相沿  
日久不特祀典荒陋祭儀亦有不可問者今特  
捐俸照例增設虔肅將事用光祀典

一選舉自甲乙榜而外以及恩拔歲貢其年代可  
攷者悉附本名下

一官師著績一時垂憲來模固不敢妄加評騭其  
不盡削者仍舊志也至近代循良亟宜登錄



一臺使監司無論久近必書名者經濟碩畫今後  
之人得有所攷名實並傳不朽也故仍之

一名宦鄉賢事蹟行誼儘堪分載舊志列名宦於  
官師列鄉賢於人物亦足表章毋取乎另標也  
一武科甲列名人物以舊志合武職武功為一卷  
故不移入選舉

一封贈 國恩也其存其沒並有榮施凡得與科  
名者以本身得封典如諸生布衣受封者以子  
孫得封贈舊志並載命婦今悉因之

一孝義節烈維植天常並流峙而光日月能使人  
感發興起其有閩學鄉保公舉者訪確畢登


一藝文率多增入者以鴻篇麗句不可漸滅諸無  
關於地方者又不在此例

一風俗古今互異雖民自趨時蓋亦由政教焉累  
載時弊凡以云救也




都里之圖

定縣縣志







縣城之圖



漏澤園



縣治之圖





縣學之圖



正齋宅



啓聖祠



明德堂



先師



廟



新日



東顏




明德



堂




殿



西顏



賢志



門



廟



儒學



門



分齋宅



教一亭



省牲所



門

前修志姓氏

定襄知縣無極安嘉士纂修

邑逸士劉紹先採輯

定襄知縣豫章王立愛增修

邑舉人梁 綵

薄匡字全校

續修志姓氏

定襄知縣珠崖王時炯重修

儒學教諭馮士儼

儒學訓導王 鑑

典史胡禮乾

邑舉人薄鳳儀

薄而堅

邑貢生牛翰垣 韓玉珍採輯

薄雯翔 張天植

張 翱 薄 浩

鄧景雲

邑監生薄 湑 張芳聲

邑諸生吳 佺 張二酉

牛亮之 李世昌 今校

王 揆

重續志姓氏

定襄知縣益津王會隆續修

儒學教諭樊度中

儒學訓導荆益祺

典史徐文濬

邑舉人薄鳳儀 薄而堅

馬 驥 薄 經

張天彝 鄭 相

石如珍

邑貢生梁 壘 張天植

王 揆 張 翹

邑監生張岫雲 張芳聲採輯

邑生吳李世昌 郭 瀚

樊 翰 韓齊黃

薄學之 夏 勳全校

志襄縣志卷之二

地理志

夫履方屨者察地形不出戶而知天下其綜覽博也稗官小史耳剽目涉猶有風土之記方制之載親蒞茲土而弗能舉其籍胡以自鏡也余攷定襄於晉為邊土疆域至弱小也非有形勝之固可難棲季之犯然自晉趙以來號令凡九嬗遞因遞草遞守遞據契然多變則簡子之故堞足睹記矣矣



官所稽分野纏度且不能合况其它乎居今之世  
志古之道異同有間矣作地理志

沿革

定襄古冀北之墊舜疆理天下分冀東恒山之地  
為并州則隸并禹貢復為冀州殷因之則隸冀周  
成王以封弟叔虞曰唐因有晉水其子燮更號晉  
則隸晉戰國時趙襄子滅智伯分晉地三之一屬  
趙秦始皇併趙置太原郡屬太原漢為太原陽曲

縣地東漢末民為擾他徙其地遂空建安中曹  
操驅聚寒下流民以實地始置定襄縣屬新興郡  
魏晉因之惠帝時遷農人楊釗等三千戶於此  
改晉昌縣屬晉昌郡後魏改秀容縣屬肆州復為  
定襄與平寇蒲子三縣竝未有城北齊武成河清  
二年周將楊忠襲并州不克而還遂於古城北面  
築城置三縣其中移肆州于雁門隋初復立新興  
郡尋廢開皇十季西移平寇于代州之崞縣省定

襄復并秀容屬雲州十八年改秀容為忻州大業  
四年廢州存秀容屬樓煩郡唐初復新興郡領秀  
容武德元年罷郡復忻州仍秀容二年為劉武周  
偽將楊長材所據四年大將李大恩討平封定襄  
王析秀容復置定襄天寶初改定襄郡宋元祐初  
復置定襄縣金仍定襄秀容屬定襄郡屬河東北  
路元仍定襄并秀容竝屬忻州太原明并秀容於  
忻州仍定襄編戶二十里嘉靖十一年併一十九  
里萬 二十一年置中路寧武道遂為三關邊縣  
國朝因之隸忻州編戶一十八里

按沿革第據史所載并輯忻志成文舊志漢有定襄太守唐有定襄道行軍總管定襄都督府司馬之類而漢未嘗置郡置府何以稱太守都督且雲州定襄大同志載應朔之地此何以說也忻志金復為定襄郡置刺史屬河東北路及閱官師率云知忻州又何也如一秀容耳或并定襄或并忻州竝難詳別則沿革安能盡合哉史闕文大都類此存而不論可矣

星野

太史公曰趙地昴畢分楚定襄屬趙地則分野當在

昴畢無疑其云一度僅管百里天道渺茫何從量度郡志謂太原正當參井縣舊志謂當東井二十八九度之間又不知何所攷即日圍于天之下而未可辯也

疆域

定襄在府治東北一百八十里東界五臺縣邊家庄七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經然荆關至北京一百里東南驛路經固關至北京一千三百四十里

形勝

叢蒙山峙其南卧虎山踞其北東枕牛臺西拱藍阜牧馬水前滌滹沱水後繞襟山帶河儼然四塞之國誠一方保障而三關鎖鑰也

山川

虎頭山 縣治西南三十五里以形名



紅泉山 縣治西南三十里山洞石紅類砂泉源不絕故名 御史賈統嘗讀書于此

叢蒙山 縣治南二十五里群峯聯絡至此端聳春夏雲氣合輒雨 有雨霽侯廟景標蒙山雨霽

詩見 藝文

居士山 縣治東南二十五里山下泉流側畔石室有古碑刻落詳隱逸唐王維兄弟嘗讀書於此

萬三十四年建塔本山以巽峰宜文秀三十七年偶旱劉暉村人妄毀之可歎也

窰頭山 縣治東南二十五里穿窰取炭故名上有羊厰占

團城山 縣治東南二十五里趙府避難遇晚令軍士包土築城止宿故名備存遺跡

七巖山 縣治東南十八里以石洞七得名中洞窠奇為 忠應聖母祠相傳即為七巖不知此

特其一深可二十餘丈廣殺三之一高可二丈餘形覆而四垂雖夏旱水滴如散珠不

絕最後一片斗大滴水長注不盈頻取亦不涸旱時應知縣王立愛題曰惠泉井之上

一小巖更幽窈可愛洞隅而邃正對夕陽恍然異境又題曰惠泉第一洞天有聯云巖巖

自天開影倒夕陽洞外嵐烟頻靄翠泉流從石出機涵大極簡中風雨驟興雲景標七巖

晚熒詩見藝文右一岩先是土辭忽現巨石狀如獅好事者因而肖之今題曰獅石巖側

北一巖亦奇今題曰寶符巖取趙簡子箴符北嶽之義有聯云北嶽幻奇日暎巖扉神發

秘南天來爽風 清花底路生香

八峰尖山 縣治東南三十里琵琶山 縣治東南十五里以形名



紅沙山 縣治東南十五里山沙盡紅故名

武峪山 縣治東南十五里有巖孤臺見古蹟

熊兒水山 縣治東南三十里山故未有水一日熊入山中人往跡之水湧出遂名

暖窰山 縣治東南四十里以氣名士多結屋讀書于此

武子谷山 縣治東二十里峰巒高峻散客多游賞

五石峪山 縣治東二十里雲合致雨

十八盤山 縣治東三十里盤旋而上一十八轉也故名

神山 縣治東北十五里平地壘石突兀如盤似所遺而成元好問書于此因歸遺山有一立

壁真堪老且具村山煙景休之向上有佛寺莫考創始之年霸擔鐵鏵迥絕塵俗景標神

山古刹詩見藝文

聖阜山 縣治東北二十里峻聳秀特舊有高樓可眺遠今廢下出溫泉有釣魚臺蓮花池五僊洞

仙人足石蓋膝境也水經云潭沱水東流聖人阜北指景標聖阜危樓詩見藝文

牛臺山 縣治東北三十里李子歌避居于此人歸李牛臺

五公山 縣治東北四十里五僊煉丹於此故名

段木山 縣治東北四十里

青石山 縣治東北四十里

紫石山 縣治東北三十五里

漆郎山 縣治北三十里即柏樹嶺山洞內刻漆郎像

鐵石山 縣治北三十里其石重黑能吹鉄

大小龍山 縣治北三十里

卧虎山 縣治北三十里

趙老懷山 縣治北三十里

橫山 縣治西北三十里衆山東西此獨南北故名

鳳凰山 縣治西北三十里

龍頭山 縣治西北三十五里

潯沱河水 發源繁峙縣東秦戲山一名孤山列如品

西流出繁峙縣北經代州崞縣至忻口東折

入交襄嶺北東流後造縣治如帶每春時南

牧馬河水 發源忻州西南白馬山至牛尾莊合諸水

出州南東流南環定襄如帶東北入潯沱

雲中水 由安義縣臺煙西營羊房村東北入潯沱河

三會泉 在繁峙山麓一龍液泉一呂布池一娘機池

溫泉

綠野襄邑稻穀盡出于此與太原晉水相以  
特據其分數為多耳景標三會清泉見藝文  
在聖阜山下有三穴長流唐龍翔中嘗賜錦幡  
幢蓋舊有李治碑記今廢

暖泉

在麓頭山麓夏涼冬暖

甘泉井

在小南門外相傳道襄子時所鑿味極甘又  
發於關

惠民井

在西門外正德間知縣張榮穿至今民賴活

都里

額編二十里後并一十  
九里後又并一十八里

在城領二都

南關都

南關廟

董村 張趙村舊屬智村

北關都

北關廟

北關堡 小北關  
前庄頭村 後庄頭村

新庄頭村  
涼樓臺

丘村舊屬季庄都

城東領五都

王村都

小王村  
崔家庄

南西鄰村  
王進村

北西鄰村  
師家灣

桃原都

蔣村  
砂村

土嶺村  
趙家庄

南庄村  
閻家庄

河南坪  
戎家庄

李子底  
楊家庄

白玉溝  
史家岡

高長村

王家庄

高蔣都



趙家營舊屬屯  
鎮安村

牛臺都

牛臺村  
馬家窩舊屬

芳蘭村  
南作村  
瓦扎坪村

青石都

青石村  
陳家營舊屬屯

李家莊

城南領四都

待陽都

待陽村  
大南那村  
小南那村

劉暉都

劉暉村  
南王村  
窩頭村

趙村都

趙村  
龍故名龍  
初從原舊建保嬰祠門刻盡

東劉村  
東劉村  
百泉橋  
炭窩溝

東霍都

小霍村  
病別業故名  
小霍村  
西霍村皆霍去

白家庄  
冠村舊有冠村都  
玉池凹

城西領二都

西那都

張村  
庄里村  
西河頭村  
西營村

智村都

智村智伯故里  
長安村  
西那村舊屬西

南藍臺村  
春秋智襄子還自衛韓康子魏  
桓子趙襄子同宴藍臺有文臺武臺故名  
北藍臺村舊屬西那

城北領五都

神湯都

南受羅村 北受羅村 向陽村  
上湯頭村 下湯頭村 丁家庄

馬房村 林山村

北王都

東作村 南作村 北庄村  
高村 黃嘴村後有黃土岡如牛形  
嘴前為村故名

山鳳上都

舊橫山都 橫山村 馬家營

山鳳下都

舊迴鳳都 迴鳳村 南林木村  
北林木村 此地後凋景標林木秋先詩見  
藝文 賈家庄村 季庄村舊屬李  
庄都此地先榮景標季庄春色詩見藝文  
閻家庄舊屬季庄都

辛庄都

舊辛安都 季庄都分為辛庄都  
辛安村 無畏庄 馬城村  
劉念村 大營村舊屬屯  
嘴子村

續志曰按襄邑明初編戶二十里後并入寇村於東  
霍為十九里

國朝并季庄辛安為一里改名辛庄都又并橫山迴鳳

為一里名山鳳都後分山鳳上下為二里合前共一

十八里考各里土地之肥瘠地湧三泉東霍為最牛

臺智村神湯北王高蔣待陽以次亞焉劉暉北關南

關山鳳上又以次亞焉胡桃原王村趙村又以次亞  
焉青石西邢漸不及格辛庄斯下矣寇村雖附東霍  
與山鳳下之迴鳳村則瘠疲尤甚况出入於天時人  
事之間又未可懸定者乎然亦就襄土論次之若與  
省南諸土地并較饒瘠恐又非其倫矣是可為襄賦  
權衡也

烽堠

智村墩

西古城墩 俱西路

東古城墩

玉進村墩 俱東路

小王村墩

蔣村墩

芳蘭鎮墩

青石墩 俱東北路

智村土堡

縣治西南十五里

張村土堡

縣治南十里

鍾村土堡

縣治南十里

待陽村土堡

縣治東南三里牧水衝巽

劉暉村山寨

縣治東南十里

南王村山寨

縣治東南十五里

東鄧村土堡

縣治東十里

鎮安村土寨

縣治東北十五里至元間恒山軍亂元帥樊天勝築寨於此遷臺州民以避寇



神山村山寨

縣治東北十五里即在本山壘石盤岩

蕎麥寨

縣治東北二十里蔣村勢極峻聳與神山寨

砂村山寨

縣治東北二十里芳蘭村土堡 縣治東北三十里

牛臺村土堡

縣治東北三十里青石村土寨 縣治東北三十里

橫山村磚堡

縣治北三十里上湯頭村山寨 縣治西北三十里

向陽村土堡

縣治西北三十里長安村土堡 縣治西四十里

藍臺村土堡

縣治西十五里

水利

濬水渠

起湯頭村東邁橫山村經建安合河久廢元

好問有記康熙二十一年知縣趙繼普捐俸

復開起自忻口蝦蟆石十五里入縣境灌溉

上下湯頭向陽村于家庄橫山廻鳳季庄林

水八村縣治前有

通利渠

從縣北過砂村至芳蘭村深濶各一大初開

北受羅渠

起忻州白村經上下湯頭北受羅于家庄

馬房營渠

起下湯頭入馬房營

善記見藝文

碑記純見藝文

文分廢

南受羅渠 起下湯頭入南受羅村

北庄渠 起馬房營北經南受羅入北庄

南庄渠 起馬房營南經南受羅北庄南庄各村竟抵西東作兩村

黃嘴村渠 起代郡經南庄黃嘴竟抵高村

林木村渠 起高村西南經庄頭至林木村合泉水灌稻田

丘村渠 起高村西南經庄頭校尉營入丘村灣

藍臺村渠 起代郡經西營村入藍臺 按西營村舊在藍臺北因河決五遷今在南藍臺正東

南關渠 起代郡北經西營西河頭各村入西關

西關渠 起代郡南經羊房村入西關

北關南渠 起羊房村西經古城傍入北關

北關北渠 與南渠並列傍大河東行竟抵石牌灣

神山村渠 起庄頭村經北關王進村師家灣入神山即通利渠之故源也

王進村渠 從縣北抵師家灣 晉府屯地多賴焉

崔家庄渠 起庄頭經北關入崔家庄淤廢萬 四十一年知縣王立愛查復開濬有碑記

趙家營渠 起崔家庄北入木村

衛村南渠 起崔家庄經鎮安村南神山村北抵南作村合收馬河

衛村北渠 與南渠並行從鎮安村中歷衛村抵管家營

許村渠 起鎮安村經嘴子馬城各村竟抵劉念村

南作村渠 起衛村西北經管家營入南作村萬 四十二年知縣王立愛新開

以上引滹沱河水

牧水渠 至元辛未間開自智村南引水入古城由西

高茂率巨族按

智村南渠 起忻州北霍村南入智村西

智村西渠 起木村西南入村東

智村新渠 起木村西南入村北萬 四十一年知縣王立愛新開

西邢村渠 起智村東經西邢入張趙村

張村渠 在牧馬河南岸

待陽村渠 明天啓四年開起張村西北經董村灌待陽村至南西

張趙長安 村渠 起智村南令歸道經西邢入西營西河頭

鐔村渠 起呂布池合流北抵李家庄分四小渠

南邢村渠 起小霍池經南王南邢待陽各村至趙村合牧河有碑記

中霍渠 起三會水引灌本村

小霍渠 起呂布池引入本村



官庄渠 起呂布池照五分水灌木村有碑記

以上引泉水

所有各渠碑記並詳看立案附載藝文

續志曰襄邑新舊渠錯綜阡陌不下三十有奇或引濬水或引牧水或引泉水其耕澤澤厥利溥哉然滄系迭變遷徙靡常如通利渠向從縣北迤邐至芳蘭村又經截斷王進村渠向亦直抵師家灣今僅灌木村而止蘭臺村渠向經西營村今其村屢經河決凡五遷距故址十有餘里故有昔濬而今淤者有此通而彼塞者後之視今亦猶今之視昔此中民命攸關爭端易起願濱渠村落若水之性共利其利無分爾我疆界可耳

墳墓

周

趙襄子墓

在城東五里周遭四十四畝三分六釐墓占一十一畝有奇外為學田萬三

問墓傍先後裂墜二孔內皆磚砌空濶如房磚形薄小其為古制無疑必當日從葬壙穴耳四十七年知縣王立愛豎碑歲久殘斷康熙四十七年知縣王時炯重建祭告并

將軍墓經千餘載不惟碑碣無存且墳墓蕪沒謹按舊跡重封銘石統見藝文

漢

霍去病墓

西邢村西墓地無幾有斷墓碑碑文一千四字銘一百七十六字中可句讀處起云

霍姬姓今河東定襄之族謂後世漢大將軍霍君去病冠軍平陽人子死國除博陸之冑盡于孝義然冠軍殺出兵鴈門上郡朔方定襄豈其有、者存又云將軍同知、番順元軍民宣撫司事霍君子萬出定襄善騎射當至元壬午、元首阿察反救、四川湖廣雲南三省臣合聲省署君攝千夫長後攻會靈關破之又云制授武畧將軍順元軍民宣撫副使父之進同知軍民宣撫司事守武節金符又云積勤四十年按幾創始克必有、

、見爵跡、請侯子男秩卑弗獲為太史不、樹碑先塋又云嗣人後即無庸為稽以紹緒厥猷、王父諱、、整不仕又云定襄今忻州所屬邑其族、、殺百人以東西小霍自別又云五里名曰西興里為瑩冠軍則世有廟祀崇、、銘曰風霆伏歲日星煜煌二儀清寧維、之祥熊咆螭張赫齒奮擡宛而龍馴維將之良極、嫖姚遠馳窮荒輪臺之張慙德武皇維武節君際時興王、樹奇霖霖道光從戎西南反側是戡匪黠武為極其愚狂兵則、、義孰其方彼強力持我仁德將夫惟將之、、所割、夷其塗亦剗其棘旣棘而夷我履我域夷莫厥居皇善厥德弁裳冠文歲事納錫肆庸偏裨益贊其職、歸來顯毛雪霜飾其孝思有事定襄

未前翰林國史編脩官李洞撰碑內切要及  
所叙源派名字殘毀殆盡必奸人私其墓旁  
餘地所為恨尋獲之晚未及追窮其故耳  
思碑義大都去病後代子孫武節君功成之  
後刻石于祖塋一以彰先人之舊一以昭繼  
述之光前豈其有、者存後其族、以昭繼  
百人各鑿錢二字意必為子孫字也博陸侯  
霍光乃去病異母弟觀博陸之冑盡于孝義  
則定襄之霍為去病子孫可知也叢蒙山一  
名蒙尖舊有雨霽侯廟相傳為去病碑云世  
有廟祀蒙下毀二字必為尖山無疑其  
曰西興里為塋豈古西興即今西邢耶

元魏

爾朱塋墓 林木村

唐

奘墓 龍門村即白鹿原俗呼和尚園詳僊釋

宋

呼延贊墓 橫山村鎮國寺後舊有碑文今燬

金

孫九鼎墓 青石村九疇九周鼎墓 南王村元好問撰墓表見藝文

周獻臣墓 附塋鼎劍王利薄松年墓 芳蘭村郭郭撰墓表見藝文

元



甄 有墓 東王村秀附墓 張安寧墓 南邢村元好問撰墓表

喬信武墓 辛安村 樊天勝墓 砂村天用附墓

姚 榮墓 東古城北廷王附墓 李子敬墓 中霍村

明

部 瑄墓 季庄村 賈 統墓 寇村

李 奎墓 張村 雷 澤墓 張村工部侍郎張順撰墓表

吳 昂墓 南古城內禮部侍郎于鳳喈撰墓表

樊 濬墓 南古城內

邢 洪墓

喬 震墓 東古城外薊州知州王暉撰墓誌通政黨承志撰墓表茂亨附墓編修亢思謙撰墓

誌樊啟東撰墓表

薄 徽墓 芳蘭村喬光大撰墓表

張 偉墓 南邢村大學士徐階撰墓表見藝文

薄 鸞墓 芳蘭村世佑附墓布政使王道行撰墓表

喬光大墓 牛臺山大僕寺少卿王治撰墓誌臨洮知府唐順撰墓表見藝文

張九戩墓 南邢村王治撰墓表

樊啓東墓 南古城內王治撰墓表

傳納誨墓 南古城內

劉一貫墓 南邢村

鄭東暘墓 龍門村北刑科給事中萬自約撰墓表

鄭友周墓 龍門村南

傳應期墓 東南古城內諭德周如砥撰墓志見藝文

傳新德墓 高長村吏部郎中清源王宗賢撰墓志大

漏澤園 舊在西城外二里許以鹹鹵不堪瘞骨廢棄

庶為之生員李遇春以近宅不便出城東北  
插房頭地六畝一分六釐易之監有碑壇地  
畫准遇春畹為世業舊漏澤園地七十三畝  
三分一釐見三園記又為民間侵占今以階  
慶年間少弓清量得六十畝五分六釐除  
占二畝八分八厘與生員  
喬遷樞一十二畝與生員傳新國一十二畝  
與生員鄭父城西各地改建社稷壇一  
十三畝充潤國濟民侯尹鐸廟常住地改給  
僧人耕種餘九畝八分九釐並插房頭地六  
畝一分六釐復為民間侵占康熙五十一年  
知縣王時炯詳復原額碑勒治前並見藝文

古蹟

古城 魏土風記云夏后氏築或曰趙襄子又曰石勒  
起兵而後相傳過析州劉家溝屠岸賈洞

呂布池 在中霍村東布捉龍馬于此故名

開門峪 縣治東南十五里一山中分相對如門或曰趙盾避下官之難所開攷韓非子曰智伯將

伐仇猶而道難不通迺鑄大鐘遺仇猶之君除道將力之赤章曼枝諫不聽遂內之赤章

曼枝因斮而驅至於齊七月而仇猶亡按仇猶即今孟縣故城又為自開

龍血石 在開門峪內趙盾避難出此見前途有龍持

豫讓橋 在南邢村南事見流寓橋頭古有廟碑今廢

藏孤臺 在武峪山程嬰藏趙氏孤兒于九原程侯山

諸將索急嬰與公孫杵臼謀取他人嬰兒偽匿程侯出趙氏孤遠匿于武峪後人踰為藏孤臺舊有保祠唐釋樊創詳僊釋

劉僊洞 縣治東南五十里詳仙釋

釣魚臺 在聖阜山下李子敬釣隱處

仙人足石 在聖阜祠內石顯一足痕萬山下見一老人

水內澡浴出水自曰冷入水自曰熱浴罷抵祠內轉翻仙人足石向下而去聞于鄉中聚

觀者數十人并力翻石乃轉

龍母洞 縣治東北三十里一山石洞口徑僅三四尺

身燃燈而人行數步更窄小幽寂冷前始殿豁有龍母像石臺石燈替風來燈滅

又殿豁有龍母像石臺石燈替風來燈滅人祈雨持破餅捧香其中置石臺上以得水



愛步禱于此使人如俗入祈俄而餅中生水浸香二寸許捧還是日果得大雨三日方止

乃新祠于洞口  
廟曰龍母偃胎

石佛洞

縣治東北三十五里山開一石洞石佛一堂天造不由人工

集場

在城逢單日

芳蘭鎮逢四八日

中霍村逢二六九日

橫山村逢四八日

青石村 廢

神山村 廢

南受羅村逢二六日萬有碑記

三十六年知縣魏從周立

八景 舊志止載詩題中今特附錄於此

蒙山雨霽

沱水冰消

聖阜危樓

神山古刹

七巖晚照

三霍清泉 以上六景詳見山川

季庄春色

林木秋光

以上二景詳見都里

續志曰予總角時即有山水癖所至輒流連竟日  
然孤懸海嶼足跡無多及長游歷三吳兩浙瞬息  
風帆幾令佳山好水笑人寂寂矣今蒞晉昌撫此  
地瘠民貧而某丘某壑常在指顧間以公事身  
親其地如聖阜神山七巖三霍皆峰巒巖巖池沼  
漣漪差可排俗狀滌煩襟若夫叢蒙紅泉諸名勝  
未遑登涉所謂一行作吏塵囂萬斛信然也

風俗

舊志云地狹民貧士多庶耻之守里鮮經營之業  
勤稼穡急賦稅服用儉素閭閻謹嚴惟疾病信巫  
喪祭用釋婚媾競財猶當約之以正也郡志云務  
詩書多稼穡有儉素風此其槩矣邇來人心漸趨  
於猾習尚日入于偷鷲悍輕生動以縊毒相圖賴  
睚眦必報耳以訐告作生涯奸人魚肉善良頑民  
慣逋賦稅挾制之風未熄賭博之習難瘳紡織教

而弗適奢華與習漸長江河轉下砥柱安施所幸  
文風寢盛質朴未亡冠紳恬雅有餘愚眊鼓腹無  
事猶有陶唐之遺焉

續志曰風俗之趨因時而降然波靡習染猶賴賢  
士大夫砥柱中流耳舊志無風俗考但列其輕生  
健訟數端以為鑒戒不知力挽頽風惟求大道如  
父子析箸何論友昆此孝弟之當求也毗子狎娼  
何論衿士此禮義之當講也按郡志載襄俗務詩  
書多稼穡有儉素風何古今之不相若乎

民業耕稼多商賈士嗜詩書貧者設臯比不知遠

遊木業

士多愿慙不樂奔競間有爭訟者人咸鄙之地  
苦寒寢處必火坑高三尺許人鮮疾病語云床高  
免鬼吹鬼吹者地氣侵也近多作矮坑習尚

冠夏涼帽綴紅纓士大夫按級綴金銀帽頂服如  
制服飾



冠禮不行已久海內皆然不獨一郡邑也 婚禮

男不出贅女不招婿問名納采請期士庶通用惟

親迎則士大夫家行之 喪禮冠服士民皆純白

三年始除惟士起復遵例二十七月 祭禮士大

夫家作神主間置祠堂然亦寥寥數姓餘俱供私

室依時致祭禮節

立春日食春餅出上牛以畢寒氣 元旦鷄鳴起

冰祀天地祖宗畢拜尊長戚里置飲食邀賓朋彼

此燕會彌月不輟 上元街巷懸燈火通宵扮社

夥或搭燈市屈曲盤旋鼓樂導引士女雜遝俗謂

黃河九曲 寒食不舉火祭祖先於墓設鞦韆以

達陽氣 端午以艾插門或佩兩耳兒童繫五色

線食角黍飲雄黃酒 七夕女子用瓜果盛庭中

乞巧 七月十五以麻穀懸各門首亭午請而祭

之以瓜果紙供薦祖學 中秋用瓜果餅豆相餽

遺以助賞月 重陽蒸花糕 十月朔各祀祖

冬至俗缺拜賀之禮 臘月初八煮白粲加棗  
栗榛杏以為糜曰臘八粥 二十四日祀竈以錫  
除日更桃符飾門貼春聯門神慶賀新節節序  
城關村疇各建廟社春祈秋報歲有樂舞酒醴牲  
牢歲以為常祈報

按禮傳云觀民風者舍則示之以儉儉則示之以禮夫禮也者中而已矣習俗相沿固難驟更與其紛華相軋毋寧撲澁無文是在司風化者轉移其間也

定襄縣志卷之二

建置志

續志曰先王建國郡自為封邑自為理非獨其形勢便也要以輯衆志固吾圉耳有城池以壯藩垣有堂廡以肅臨又有學校以叙彞倫諸如倉庫舖舍以及祭器書籍兵防武事與天坊棧橋梁靡不犁然具舉傳曰築城衛君造郭守民審五庫之量考常平之制廣博士之宮習八矢之備期於富不

定襄縣志 卷之三 建置一  
忘教安不忘危也襄邑彈丸不列大都會或隳廢而不修若更張而彌修皆非也杞思作作思守三時不害尚思所以恤民力哉作建置志

### 城池

古城周遭二十五里頽廢僅存遺址縣城在古城內北隅北齊武成河清二季周將楊忠築周遭四里七十三步卑薄不堪固守天順間屢中虜患嘉靖初知縣張榮增修隆慶元年知縣常世勲郭外

東西北三面築圍牆基廣一丈五尺高如其數時一它倥偬南面未築明年知縣李廷儒大修城池萬元年知縣王濯征重修西南門樓皆張九戩記十三年知縣白璧修東西甕門各題石刻東曰保障曰輯寧西曰慶成曰靖邊南曰保泰曰宣平小南門曰永康廢塞北門萬三十二年知縣王興包修甃城各城樓題扁自記西北兩處屢多傾圮三十六季一百三丈五尺知縣魏從周補修四



十二年九十六丈七尺知縣王立愛補修增飾  
城樓加以扁聯東內仍股肱畿輔外易賓陽西內  
易保障天門外易寶成爲慶成府諱南內易天  
中覽秀外仍迎薰小南內內易塞北雄觀外仍映  
暉北南向仍襟帶山河頌聯鎖鑰壯金湯形勝南  
來誇第一山河雄帶礪輿圖北拱可無雙內扁覽  
勝樓題聯樓閣嚮南開風動晉昌辭愠阜財此地  
有堯天舜日城垣當北塞雉高一路壯觀固圉何  
處是漢柱秦關樓下扁晉陽鎖鑰北向易四塞金  
湯四十四年北面東傾圮一十四丈三尺知縣董  
一經補修

國朝康熙四十二年傾圮南門磚城一十三丈有奇  
恭值

皇恩蠲免全省租糧知縣王時炯補修六十一年南  
面傾圮磚城一十五丈四尺知縣杜瑛倡捐修葺  
雍正三年秋七月霖雨彌月南面傾圮一十五丈

四尺北面傾圮一十七丈知縣王會隆詳請捐募  
又修文圮東門樓與小南門樓二座東門樓內扁  
易天衝與旺雉堞聯延樓櫓矗峙屹然壯觀焉又  
以護城圯毀池堰衝齧躬督畚鍤培薄增卑改者  
以平缺者以補蜿蜒盤折周匝靡遺襄雖逼漚靡  
雲何煩鯁鯁過慮哉

續志曰古定襄城在今縣治城外舊傳夏后氏所  
築漢爲縣後廢今縣乃其內城耳城周連三里二  
百三十四步高二丈五尺此載在郡志者歷歲彌  
久而規制完整且崇高巍煥鬱為巨觀實較勝於  
曩時云

### 縣治

縣治前代無攷洪武三季主簿李忠建在城西南  
隅累朝增飾中為堂贊政廳翼在堂西東為庫  
東西下列各房科如制甬道中有戒石亭戒石置  
儀門東北向堂後院橫累以牆中門一座進為後



堂左廂房一間廂房後東北書房三間由廂房南  
開門東入堂後院宅門一座內樹屏牆後宅三間  
左廂房二間宅東一門摺入後院高樓三間左右  
廂房各三間樓後空地連築界墻再後書房三間  
宅左為縣丞衙典史衙在丞之南前稍東並由儀  
門內入右為主簿衙西房科後為獄儀門外東為  
土地祠西南為武庫嘉靖初知縣張榮重修建行  
義倉于武庫北建思奉亭于宅東自記今俱廢三

十六年知縣施元重修隆慶元年裁減縣丞改為  
簿衙簿舊衙廢後為諸曹公廨三間萬二年知  
縣王濯征重修五季知縣安嘉士扁後堂為再思  
建山水亭于宅後各自記又于亭左構琴鶴軒今  
俱廢二十一年知縣劉天建賓館于土地祠右  
中堂舊扁拊循萬三十二年知縣王興改應宿  
堂後墻門扁思補改再思為寅恭扁賓館為親仁  
軒題儀門外聯地僻封微漫以迤袤看黑子民貧



賦重須將疴癢問蒼生萬 四十二年知縣王立  
愛大加增修頭門橫街舊楹屏牆塞門今改徙街  
南街北建古晉昌坊一座三架中設門出入必關  
街中闢為周行人甚便之頭門北徙一丈六尺鼎  
新豎蓋題聯方四五十里彈丸之區土瘠民疲痼  
瘼無時寘念為東西中路邊鄙救邑事繁賦重拮  
据何日小康舊賓館湫隘土地祠不堪棲神鼎新  
創建改土地祠為賓館三楹高敞題行閣堂有  
何利當興何害當除諸君子嘉惠維衆願各虛心  
見教有賢可事有仁可友予一人憑藉茲土寧忘  
折節相資改館地為祠前豎捲棚為瞻拜位幽潔  
爽塏南向各界以門墻東總一門而出儀門東西  
兩隅各建厦三間為里胥監收錢糧棲泊之所儀  
門兩角門修砌恢拓加題儀門聯叢蒙洪洞列為  
屏百里簇封雄保障牧馬潯沱環若帶一方形勝  
甲三關撤去戒石亭懸聖諭于儀門內北向護以

聯天語要在愛民蒞茲土無忘顧畏官箴不離潔  
已凜彼石即是循良易應宥為忠愛題聯忠君只  
是盡心夜寐夙興勤萬念總成一念無逸愛人莫  
先節用民窮財殫省一分可寬萬分如傷刻題名  
石于堂左右暨直指李公若星訓廉謹刑碑堂後  
左監門一座題仕學軒從東入北折而抵書房撤  
塞舊門改增廂房右監門一座題種花處從西入  
以公廨前空餘地種花也思補護以聯訟牒無冤  
門外春深長綠草催科有法縣中秋過屢豐年後  
堂簷頭矢心天日易寅恭為四知題聯智慮聰明  
見未到性生有限起居出入念苟私天地難容鼎  
新宅門題如水清署有聯澹泊以居一座官衙清  
似水欲仁而得四封赤子盜如春宅屋簷題可與  
天知一聯為政先勞若內溝中思己任自公退食  
無慙屋漏有天知改建左廂房為三間右增一間  
樓題寧遠一聯樓聳具瞻求莫目能周鄰屋地當



北極凭高手可摘星辰樓下題戴星居自內及外  
自堂及舍自上及下靡不去敝更新盡地槩加甃  
砌向未開水道按形家法疏而導之獄東有隙地  
相近獄門另蓋屋三舍名輕監以疎羈獄者詳大  
修縣治記

旌善亭

缺萬四十四年知縣王立愛捐俸買縣治前屏塙東邑民杜奇地鼎建今廢

申明亭

舊在縣治前街南萬四十四年知縣王立愛改建屏塙西與旌善亭相稱今廢

賓館見前

譙樓

缺一愛置鼓城南樓上

鐘樓

缺尚南城樓上有古巨鐘萬餘斤守城民壯以時嗵鳴聲聞三四十里與譙鼓翕應因包軋城

徙於廢署隙地萬四十二年知縣王立愛就廢者東南隅砌石臺一座建樓懸藏康熙十七年知縣吳會璋仍移置南城樓上

胡峪巡檢司今廢

邊儲倉今廢

廣濟倉久廢

預備倉

在察院東門二重上正廢一大座三架東西各三殿萬初年知縣王濯征安嘉士先後



修葺四十二年知縣王立愛增修上正殿三  
架各界以墻改中為官廳兩旁為小殿歲久  
傾圮康熙四十六年知縣王時炯重修貯里  
民每歲捐穀大門外扁懸預備倉倉內舊編  
老人一名裁革該吏經管并召募  
斗級一名建房四間看守無虞

### 社倉

在南甌城芳蘭鎮橫山村劉暉村雍正三年知  
縣王會隆設立舊有七處後并為預備倉

### 社學

一在南門內西久廢一在察院前西康熙二十  
五年知縣趙繼普建正房三間大門一座規制  
半傾四十六年知縣王時炯重修東西兩廊有  
記見藝文其餘各鄉村社學即在各寺觀內

### 陰陽學

### 醫學 二學并缺

### 僧會司

明初設在高蔣村功德寺後改聖壽院內東  
南萬曆四十四年知縣王立愛移院之東北

按 聖節習儀於寺觀宇內皆然獨定襄從公署演禮萬  
年間知縣王立愛捐修佛殿簷製祝聖道場護以聯  
佛法空虛百鍊金剛藏世界聖人萬壽一方土宇業

皇圖殿中設萬歲牌臺塔如制演禮於此儀如天顏  
咫尺也大門內扁懸鄉約所宣揚 上諭十六條

### 道會無致

### 養濟院 在縣東南隅久廢

### 普濟育嬰二堂

在縣治東小王村二堂並列普濟堂  
正房四間東房三間門房三間有嬰

古 堂正房三間門房三間雍正三年奉  
知縣王會隆捐置地而供給有碑記

學校

續志曰襄邑形勝據水經云滹沱水東流聖人阜北指宜乎文明之象炳炳烺烺英才傑士應運挺生古者建立庠序敦崇倫紀牖斯民於軌物俾勿失乃恒性今三年大比擇其秀者升之鄉拔其尤者升之國其次則貢成均悉由是焉根本之地宜何如培養歟國朝右文重道視往代爲倍隆襄雖偏隅詩書禮樂之訓翕如也泮壁殿廡之制煥如也文化沾濡絃誦不絕由茲而講學而習禮而明倫駸駸乎鄒魯之風矣粵稽儒學宮牆舊在縣治南城外基址荒僻殊非崇奉

先師至聖之體元大德十年知縣趙德溫重建崔允記明洪武八年縣丞徐思寧移於今縣治東北正德間知縣王卿重修改大先師廟嘉靖三年知縣張榮增飾萬十二年知縣白璧重修恢拓明倫堂二十二

年知縣劉士麟建賢關坊于明倫堂臺之南界以門



墻儒學門在文廟西與櫺星門平列從未有扁明倫  
堂在聖殿後左為日新齋右為時習齋教諭宅在堂  
後訓導宅一在日新齋後一在敬一亭後因增修明  
倫堂改教諭宅於日新齋後裁革舊訓導宅四十二  
年知縣王立愛大加修飾北徙學門二丈四尺許新  
懸儒學扁題聯秀氣抱宮墻四獄兩河再見鳳鳥馬  
圖之瑞文章呈彩筆拔茅連茹並驅雲龍風虎之交  
甬路通砌甃石西耳門扁龍門東耳門扁鳳穴易賢  
關為天池堂簷增扁文明護以聯六經如日月之明  
魚躍鸞飛昭察乾坤呈萬象多士應星奎之運蛟騰  
鳳起聯翩鱗羽奮青霄又堂聯國家養士儲才忠孝  
節義不出庠序學校之範君子立心為己喜怒哀樂  
即是天地萬物之樞鼎新題名扁四面堂齋門宅一  
並修葺

文廟舊為大成殿東西兩廡前戟門外東名宦祠西  
鄉賢祠中為小泮池前文廟牌坊一座三架三間東



西接以橫牆街中樹屏牆塞中門知縣王立愛改修  
文廟坊北徙一丈五尺如制改櫺星門東西橫牆作  
八字形街中屏牆徙在舊坊地屏牆東西圍以柵欄  
泮池徙而上之亦如櫺星門數更拓深廣戟門扁廟  
門殿改先師殿廡各祠悉新如制臺階甬道石砌  
啓聖祠在聖殿東路牆東側開一門東入統於櫺  
星門內配享無主並祠甚苟簡且傾圮幾盡知縣  
王立愛鼎新如制修飾列門南出扁啓聖祠在櫺  
星門東前出一步

敬一亭在儒學街西訓導宅前歲久傾頽知縣王  
立愛鼎新修葺康熙四十六年知縣王時炯恭鐫  
御製訓飭士子文碑豎立敬一亭內其南隙地數十  
丈於康熙五十一年新建省牲房一座三楹有記

### 載藝文

按儒學前望蒙山如端人正笏相對形家善之惟  
後山稍遠故鄉紳又有建杰閣於明倫堂後之議  
謀已會同推是閣為後勳相聖殿明倫堂必務高  
出數尺方為合宜而可稱蔚然之雄觀也錄大本

未可一時猝得遂致稽阻守土者屢  
舉而無可藉手豈盛美將有所待耶

射圃 在啓聖祠前

省牲所在 敬一亭前

祭器 舊器無存

錫大燭臺一對

錫中燭臺二對

錫小燭臺四對

錫簋一件

錫簠一件

錫豆十六座

錫爵二十八箇

錫小爵一百箇 兩無用

錫酒尊一件

龍罽一副

錫釧一件

木燭臺十對

木豆一百座 以上康熙三十三年知縣楊森捐俸新置生員兵倫監造

大香爐一座

大燭臺一對

大花瓶一對 俱係鐵鑄外加金漆

錫中香爐一座

錫中燭臺一對

錫中花瓶一對

錫酒尊二件

錫酒尊二件

錫釧五件

錫爵三十三個

錫小爵三十個 兩無用

木豆二百座 以上知縣王時炯捐俸添置生員喬掄監造

書籍 明時藏本頗多今記其現存者

四書大全一部 原二十本現存一十三本

易經大全一部 原一十二本現存七本



書經大全一部原一十本現存八本

詩經大全一部原一十一本俱存

春秋大全一部原一十八本現存一十三本

禮記大全一部原一十八本現存一十二本

性理大全一部原三十本現存二十六本

五倫書一部原六十二本現存三十九本

孝順事實一部一本重修舊縣志一部三本

續修舊縣志一部四本重續新縣志一部四本

### 儒學田

叁拾叁畝叁分趙襄子墳餘地

壹頃伍畝玖分柒釐舊養濟園地

壹頃柒拾餘畝坐落山鳳上都土名小山前

續志曰學田至義舉也當道且捐錢金創置况以

公地為之於義尤為至當者乎查寧武道瞻學地

肆拾肆畝陸分伍厘壹毫坐落城東壹拾肆畝陸

分貫家園壹拾伍畝城北壹拾貳畝伍厘壹毫城

西南叁畝共計糧貳石壹斗肆升捌合壹勺捌抄壹撮陸圭壹粒陸粟昉於康熙叁拾捌年間撥入義學尚存趙襄子墳餘地叁拾叁畝叁分又舊春濟園地壹頃伍畝玖分柒釐久為民間侵占柒畝玖分零五十一年知縣王時炯徹底清丈各退還原額又山鳳上都鄉民張桂成等隱無糧地壹頃柒拾餘畝詳追撥入學宮共叁頃壹拾餘畝雖非沃壤每歲募佃播種除葺理毀蕪外尚可充本學月課諸生膳饌之需允為長久計也

### 義學田

- 一段壹拾壹畝零 趙襄子墳墻內地
  - 一段壹拾肆畝陸分 城東土名武家園
  - 一段壹拾伍畝 城東土名貫家園又名春廠坡
  - 一段壹拾貳畝伍厘壹毫 城北土名楊家坡
  - 一段叁畝 城西南坐落庄里村東北
- 以上四段共地肆拾肆畝陸分伍厘壹毫原糧貳石壹斗叁升貳勺伍抄伍撮除截糧捌升

合柒抄叁撮叁圭捌粒肆粟實在糧貳百壹斗肆升捌合壹勺捌抄壹撮肆圭壹粒陸粟

一段陸畝肆分陸厘土名喬家園角子地

一段捌畝陸分土名喬家園角子地

一段肆畝陸分捌厘叁毫土名小黑浪口頭

一段陸畝貳分捌厘柒毫土名王家園

一段肆畝肆分玖釐土名郭門子水上地

一段捌畝陸分柒厘土名喬家園

一段陸畝捌分貳厘土名迴鳳後

一段伍畝壹分伍厘土名迴鳳後

一段陸畝肆分貳厘土名迴鳳後

一段叁畝貳厘土名風塵凹

以上十段共地陸拾畝陸分俱坐落山鳳下都該徵糧捌斗捌升捌合玖勺

續志曰義學之設所以佐學校之不逮也生徒肄

業歷有年所而贍養之典從未有亟問亟餽焉者

國朝康熙三十八年間知縣楊森將學田有糧地肆

拾肆畝陸分伍厘壹毫並趙襄子墳牆內



壹拾壹畝零撥入義學近年正供外所剩無幾何以振興士氣耶五十一年知縣王時炯又將山鳳上鄉民張桂成等隱糧地陸拾畝陸分該豁監生馮雲路賠糧捌斗捌升捌合玖勺詳撥義學輸納統計前後地共壹頃壹拾餘畝悉屬膏腴募佃耕種歲取其租以助燈火從此絃誦之聲溢於閭巷而泮學勵行之士霞蔚雲蒸其未有艾乎若夫發蒙振聵則又在諸名俊之敬恭桑梓朝夕訓誨

以無貽後人羞是則余之所懽懽者也

### 公署

### 察院

在縣治東北中為堂左茶廳右衣廳堂前棧棚  
直持康公丕揚題絕綱中外東西阜隸房頭二

門如制堂後為川堂直指陳公于延題靜虛  
動直楊公師程題瑞本澄源東牆外為廚房  
西牆外為吏書房川堂後為後堂東西各  
房萬四十二年知縣王立愛增修頭門外  
甃砌臺階前堂扁憲護以聯皇華使節  
持霜到處冰兢瞻烈日按部行春車帶雨  
方雲望見仁天後扁冰玉堂歲久頽  
地康熙四十七年知縣王時炯重葺  
一為藩司在東街久廢一為臬司在藩司東  
分司久傾地不能駐節萬四十二年知縣王立愛

議處詳允鼎新修葺門堂阜隸房如制仍增  
扁聯堂左增建茶廳堂後院東為吏書房西  
為廚房後為寢室  
東西兩卧房今廢

按舊分司地勢高起乃儒學後照托屬乾地宜高不  
宜低也舊建公署或見及此耳今廢已久業禁止民  
間取土議欲建襄子祠於其地前監官廳後監一閣  
可備官使駢節以為儒學之後障招僧住持長守勿  
壞位諸廟建之役一時未可遽竣遂  
爾稽格漫識其端以防士庶取土者

坊櫟

古晉昌坊

在縣治前萬四十年知縣王立愛建康熙五十一年知縣王時炯重修

恩榮坊

進士邢洪在中街南

青雲得路坊

舉人喬震在縣治前西

五馬坊

知州喬震在縣治前西路北

大司成坊

太常寺卿管國子監祭酒事傅新德在中街

少宗伯坊

贈禮部右侍郎傅新德在中街康熙五十年知縣王時炯助修

恩綸華寵坊

封直隸完縣知縣張燦在中街

蜚英坊

舉人梁綵在儒學前街西

盛世文龍坊

舉人梁綵在南門內

執法名臣坊

舉人輩良定由知縣陞大理寺評事在職治前東康熙四十六年知縣王時炯助修

靈壽坊 在察院前街西

紫誥重封坊 貢士喬遷高欽勅陝西三邊監軍道按察司副使殉難潼關在中街前

以上各坊俱現存

天衢坊 在儒學東街口萬 四十三年知縣王立愛重修

雲路坊 在儒學西街口舊為聖域坊萬 四十二年改建

登雲坊 舉人吳昂在南城外西路南又舉人高厚在縣治前西路北

攀龍坊 舉人樊庶在南城外西路北

鵬程坊 舉人楊涓在縣治前西

興詩坊 舉人張偉

世科坊 舉人薄世佑在中街北

立禮坊 舉人張九戩

桂籍傳香坊 舉人喬光大在縣治前西街

世科坊 舉人樊啓東舊在縣治前東萬 四十三年知縣王立愛改建東街

清華直臣坊 給事中喬光大舊為進士坊在縣治西萬 四十二年知縣王立愛改建東街

鴻臚坊 鳴贊張瓚舊在儒學前街東萬 四十四年知縣王立愛改建分司西

晉陽鳴鳳坊 舉人劉一貫在儒學前街西



邊陲節鉞坊 叅政鄭友周在察院前

青雲萬里坊 舉人張梧在中街

一鷲橫秋坊 舉人張保民在中街

七賢坊 在芳蘭鎮

節坊

一溫鍾妻喬氏在預備倉巷口 一任堯弼妻楊氏在苦水井街口 一樊邦教妻張氏

在苦水井街

一趙廷祚妻張氏

在察院西

一曹廷輔

一潘廷福女潘小四

在察院西

一曹廷輔

女曹小春在預備倉東

以上各坊俱久廢

續志曰襄在曩時文德武功代不乏人詩書禮樂之澤未嘗息也今

聖天子昭大一統之治士大夫沐浴咏歌騰蹕雲衢者後先接踵宜坊楔之纍亾乎顧世遠年湮頽廢居半余擇其可以整飭者捐俸倡修俾之煥然更新其諸傾圯不復振者僅存其名額亦令其子若孫知典型之未盡泯沒云爾

舖舍

傳遞舖

舊在城總舖司兵四名西路智村舖司兵三  
名西至忻州段家庄一十五里東至總舖一

十五里東路蔣村舖司兵三名西至總舖二  
十里東至芳蘭鎮十里芳蘭村舖司兵三名

東北至五臺河邊村十里西至總舖三十里  
雍正二年總舖在南關西路智村東路王進

村蔣村青石村共五處各建舖房二間并置  
械器二架每舖各舖司兵五名至雍正四年

奉撫憲明文惟總舖舖司兵  
五名餘各三名晝夜巡防

兵汛舖

在蔣村青石玉池灣王家庄上湯頭下湯頭  
劉珊中霍共八處雍正二年奉文以兵守汛

口或離家遠時聚時散難免疎忽每汛口  
各建營房十間分為五院石礮一盤撥兵五

名拏眷就居者令該弁不時巡查庶無疎忽  
之虞雍正四年奉憲飭查衝要路口仍令照

舊安札如引律要止留兵三名防守查定襄  
惟蔣村玉池灣路係衝要營兵五名照舊安

札王家庄下湯頭兵  
全撤餘皆撤二留三

巡邏舖

舊南關東關智村西邢庄裡西河頭西營蘭  
臺王進村師家灣小王村蔣村砂村芳蘭村

各官道間營有土窩遇上司經過二三村夾  
執棍坐守過去尋散夜巡絕迹盜賊安得不

充斥乎萬 四十二年知縣王立愛各路赴  
蓋舖房共二十一疇上无下甄設門憲開望

置火坑禦寒勸置更籌責令每夜各地方輪  
撥鄉夫五名執械鳴鑼宿舖巡守傳遞更籌

至曉方週且奉撫院吳公仁度明文編植樹  
株沿途榆柳成陰間地東桑茂集一望蒼蔚

漸為樂土矣日按巡邏舖在曩時規制甚  
今承平日久俱經廢弛姑存其名以備參考

茶房 一在縣治東小王村一在縣治西智村雍正二年知縣王會隆捐俸修建

續志曰城池縣治學校一邑之規模公署材模舖舍

兵防尤 國家之鉅典故建置獨詳至於橋梁為小

民病涉計亦必列於建置之中所以舒民困濟民艱

也若旅人僕僕風塵勞勞道路寒暑飢渴之狀更有

不忍視者雍正二年知縣王會隆於縣治東西兩路

各建茶房五間以濟行人之渴又捐俸金在智村置

地三畝六分以為長久之謀或於行旅之往來不無

小補云故於建置中另標一帙以為繼茲者告

### 橋梁

滹沱河橋 在高村前小木橋冬架春撤

牧馬河橋 張村鐘村待陽村趙村西鄴村智村神山南作村各有小木橋冬架春撤

按沱牧兩水為邑大利然害亦不小倘春夏雨暴漲發衝決莫如之何即冬末冰堅春而冰泮各處

木橋多為票流民之病涉初非一日矣安得大力者題建如蔣村襄濟橋然貽萬民無窮之安也

### 兵防

按襄邑郡北為備邑無險可恃且咫尺雁門兵防固宜亟也向無嵩汎遺設千總一員駐防營兵八



十七名藉  
以捍衛焉

武庫 見縣治久廢

演武場

在西關外嘉靖五年知縣張榮修建演武亭  
將堊門樓一座詳三園記見藝文年久廢壞  
萬 十九年知縣劉  
天 復建本亭今圯

按演武場即舊教民園嘉靖五年查丈連箭道共  
地九十三畝八分五厘見本記久為民間侵種萬

四十四年知縣王立愛清出以隆慶年間步弓  
丈量共地七十五畝一分五厘除演武亭一畝五

分七厘亭階下官道一畝七分將堊五分共地三  
畝七分七厘公占外其餘七十一畝四分三厘又

為民間侵首伍十四畝乘僅存二十一畝厘至康  
熙五十一年知縣王時炯清丈詳復原額七十五

畝查分伍釐且四至俱有渠路與民地無交錯仍  
召佃承種納租除辦糶外其有贏餘貯為各壇並

演武亭修建之費碑  
暨治前並見藝文

草場

在城隍廟西久廢康熙五十一年知縣王時  
炯清丈實在地一畝二分二厘七毫  
民壯 伍拾名工食銀兩載在田賦內

軍器

按舊志開載軍器頗多今承平日久不惟數目純  
繆即一二名色亦溷淆莫能辨識如佛朗機有大  
小單連等式樣而郡志又以鳥銃為第一視佛朗  
機為較遠今皆無可攷惟大小將軍炸炮等閱實  
若干位件存貯  
以備參訂而已

有字將軍炮 十三位

無箍獨眼炮 二百九十六

大將軍炮 十三位

有箍獨眼炮 三十八杆

二三將軍炮 八位

有火盤小獨眼炮 二十六

牛腿大炮 三位

有火盤大獨眼炮 十五杆

牛腿中小炮 十位

有火盤雙眼炮 九杆

中小炮 十四杆

三眼鎗 五杆

炸炮 一百六十二箇

鐵子 大小三十一顆

拐角炮 十一杆

大刀 一口

古嶺公炮 二杆

破盔 三頂

以上俱貯二門外西廂房

大南門城上炮 四位

小南門城上炮 四位

東門城上炮 四位

西門城上炮 五位